

廣德州志卷三

地域志 山川

山川 一

山有崇卑主輔分焉水有源委支派別焉入其境披其籍瞭如指掌也州故饒山乏水而岡巒縣互溪澗渟淤頗難條晰郡邑舊志遂於山之大小脈絡水之經由分合概從其略甚至方位忽東忽西道里乍近乍遠紛紜淆亂尋按何從但均非履齒所及豈能意為釐正今依南畿志通志之例舉其可名者以次眉

廣德州志

卷三

山川

一

列間附題詠於其下登臨者可藉以考焉

州之山五十有五嶺十有三岡十有二墩三洞五

橫山

州西五里

新唐書地理志廣德縣有橫山江南通志云卽

楚子重所至之衡山也

見圖說

明一統志高出羣山之中

四面望之皆橫故名萬厯志云州之鎮山也上有張真

君禮斗臺山半有攀蘿亭集仙臺

舊訛亭

巔有龍潭潭畔

龍王廟禱雨輒應宋天聖中郡守梅詢建楊志明嘉靖

四年判官鄒守益改建於山之陽上有大士菴明教寺

萬厯十二年知州陸長庚復新之州人濮陽裴倡建關

帝廟管九臯建玉皇閣今廢南畿志山之西南有廣德

王張公廟唐天寶中封為祠山

宋林棐宿橫山禱雨寸心憂國願年豐曉挈楓香入翠
 峯幸有一壇瞻斗象豈無尺水起淵龍松風不住雨聲
 碎嵐霧常隨雲氣濃願覓天瓢一滴水三符需夢慰三
 農明馬叔山題橫山十里松聲捲翠濤風威颯颯著
 吟袍泉通嵌竇僧廚近路鑿層崖佛屋高便欲幽棲同
 老鶴恍疑異境踏靈鼇山靈笑我塵煩惱客白首馳驅不
 厭勞世周瑛登橫山一上橫山頂茫然懷古今宦情秋
 夢短我平生心江天搖落處弔古更懷今鳥背秋陰
 作勞我平生心江天搖落處弔古更懷今鳥背秋陰
 薄馬頭山色深官家無苛政民舍少呻吟欲起潁川老
 聯鑣談此心葛富登橫山雲霞常護集仙臺樹合重
 陰午不開萬壑松風馴虎嘯一潭腥泚老龍回苔封古
 砌稀人到巢託盤蘿有鶴來試問此山高幾許下方白
 日鼓風雷李得陽遊橫山橫阜崢嶸碧落齊探奇迢

廣德州志

卷三

山川

遞躡丹梯捫蘿雲氣生人足遠磴花杳襯馬啼潭水澄
 澄龍已去春風恰恰鳥還啼尋真直到青冥上回首紅
 塵烟霧迷
 國朝雲輝萼望橫山木落空山出亭亭紺殿孤僧行石路
 見鳥向竹林無舊約閒雲在新愁流水俱此時回首望
 猶誤住仙都巫裡孫登橫山調寄二郎神橫山去挹
 不盡山光流布且看著雙亭層累上收卻幾多烟樹禮
 斗臺前真勝景應快絕高皇一賦更覓向龍潭頂畔踏
 破天邊雲路低處城垣宛似燕泥窩聚眼見那浮圖
 高七級了不及峯頭齊足南望揚令諸舊地尚如聽精
 忠陣鼓玉溪轉彌深
 俯指橋流清容堪慕

案左傳襄公三年楚子重伐吳克鳩茲至於衡山杜

預注鳩茲吳邑在蕪湖縣東衡山在吳興烏程縣南

續漢地理志烏程注引之又舉或說云丹陽縣之橫

山去鳩茲不遠子重所至也漢丹陽縣爲今太平府當塗縣後之紀地者兩用之吳興掌故集衡山在烏程縣南十六里諸山中惟此山橫列故名楚伐吳至衡山卽此此主杜說南畿志當塗縣橫望山在城東北六十里楚子重所至之地此主或說從未有知爲廣德之橫山者江南通志始發之蓋古字衡橫通用如禹貢衡漳馬融王肅皆以爲橫漳檀弓衡縫鄭康成衡讀爲橫而吳興之衡山樓鑰亦云一名橫山則今之橫山在春秋自當爲衡山矣試以兩國邊境言

之吳本屬楚自巫臣教之叛楚及戰陣吳始伐楚伐巢伐徐至魯成公七年入州來盡取蠻夷屬楚者而國始大十七年舒鳩人又道吳圍巢伐駕圍釐虺杜預注州來楚邑淮南上蔡縣巢駕釐虺楚四邑巢爲今廬州府巢縣及無爲州地駕釐虺必壤相接並在淮南江北去吳正遠越四年而子重伐吳時雖已滅舒鳩未嘗開疆拓土也一旦乘邊人之不備而以簡之師克鳩茲至衡山入敵境四五百里戰功偉矣乃飲至甫三日而鄧廖以被獲聞吳且伐楚取駕則鳩

茲之終不能有可知故楚人以所獲不如所亡咎子
重子重病之而心疾死也若此衡爲烏程之山是子
重已采入其阻幾五六百里所過豈皆無人之境鄧
廖亦豈復能潛師以襲人國哉史記楚世家平王時
吳邊邑卑梁與楚邊邑鍾離爭桑吳因滅鍾離居巢
未幾入郢其事在左傳昭公二十三年鍾離者杜
預以爲淮南縣晉志屬淮南郡故州來邑也居巢漢
屬廬江郡然則終春秋之世楚不能爭江南尺寸而
謂子重已至烏程可乎更以行師之道言之楚之伐

吳其始將佐必皆浮江順流而下否則從濡須口渡
江而東旣克鳩茲始分道進取命鄧廖帥組甲三百
被練三千由中江而東以侵吳子重則溯南江從今
丹陽湖入南碕湖逕建平以達廣德而舉其較著之
地則曰衡山水經南江又南東逕宣城之臨城縣今青
陽又東與桐水合又東逕甯國縣南注云南江又東
逕故鄣縣南安吉縣北此正子重所由至衡山之道
也後子西子期伐吳及桐汭亦出南江但子西等逕
從臨城趨桐水故但言及桐汭子重從蕪湖折而東

南去衡山三百餘里故言克鳩茲至於衡山至於者首尾之辭也中江爲禹貢三江之一漢地理志云中江出蕪湖之西南東至陽羨入海今高淳之胥溪溧陽之永陽江宜興之荆溪皆中江也廖之侵吳必將由永陽荆溪入太湖以達蘇州其爲吳人要擊亦不外此數處初未嘗至國都也且吳聞失鳩茲疆寇深入勢必疾馳勁旅且擊且追使此衡爲烏程之山則子重旣懸軍腹地廖復被俘免者僅組甲八十被練三百子重雖善用兵當此首尾不相應又無他援顧

能不折一矢振旅而歸飲至乎無是理也鳩茲在蕪湖東今有鳩茲港南畿志謂在縣東四十里與高淳溧水相近當塗之橫山在鳩茲東北百二十里子重方乘勝凱旋不南徇都邑而北泛大江亦與事勢不合況其名爲橫望與衡自別然則志指爲廣德之橫山可以斷然不疑矣顏魯公吳興石柱記以菰城衡山鳩茲城連書不惟誤認衡山并以菰城爲鳩茲鄭元慶引三餘漫鈔所辨良是但謂楚師伐吳輒由蕪湖入中江自西而東而南至衡山而極子重子西

皆是中江之路則又不然蓋自杜注一出此山爲烏程所據幾二千年志吳興者不肯言志廣德者又無以奪之遂謂桐汭爲最古宋時取以名志豈知衡山固在其前耶吳越春秋謂在吳王壽夢之十六年詳兵寇實周靈王之二年也夫江南之山以橫名者多矣就相近者言之常州武進縣橫山以晉右將軍曹橫得名蘇州府吳縣橫山江甯府上元縣橫山並以四望皆橫得名使不詳考當日道里皆可爲子重之所至矣是不可以無辨也

廣德州志

卷三

山川

六

祠山

州西五里

桐汭志引太平寰宇記云祠山在縣西五里舊

爲橫山天寶間封爲祠山

見祠山事要

楊志云密邇橫山

之麓建張真君廟祠山事要云卽橫山之隅唐天寶中

禱雨有應命改橫山曰祠山今正廟曰祠山而山之巔

自曰橫山焉其下舊有張王祠宇尚存

宋李健題祠山午庭官事了心與白雲間泉脈瀉崖谷

天風吹珮環花開烟霧外人語翠微間山色看來好相

畱不放還朋李得陽祠山秋夜涼颼初動火雲收夜

宿仙宮景自幽幾派濤聲來木末一番秋色到樓頭寶

珠弄月光相射鐵將擎空露欲流解

組不知塵世幻飄然何處揖浮邱

案橫祠本一山舊志首橫山而以祠山繫桐山之後

中隔三十山失之遠矣原橫山所由得登唐史者實
因天寶之封而明高皇題祠山詩有天下英靈第一
山之句自後遂分而為二矣通志止載橫山甚是

西巘山 州西五里 通志俯臨清流環注山腳南畿志上有醉翁

亭

小芝山 州西五里 萬厯志知州朱麟出郭省耕最愛此山景酷

類萬安芝山遂以小芝呼之

石磴山 州西十里

琴山 州西二十里 李志山形似琴上有萬山樓八角井山麓有

廣德州志

卷三

山川

七

獅絃禪院

白茅山 州西十五里 楊志上通大驛有豁眸亭有朝陽禪院梁

普通時建有鐵佛古井李志州守周在建題曰廣平嶺

國朝沈洪登白茅山危嶺憩征鞍蒼茫眼界寬湖光橫樹
杪山色聳雲端露重沾衣溼風狂撲面寒紅塵多累我

前路正
漫漫

陽山 州西十五里 李志岡巒盤紆諸峯奔轟向陽故名陽山

奧有古西竺菴數里不聞雞犬聲惟曲徑通焉

茆嶺山 州西十五里 李志雙峯聳翠俗呼錦屏山

井亭山 州西十五里 萬厯志有元將鄭姓者扎寨此山因投於

此山之井後人構亭祀之名曰井亭

大山 州西五十里

明姜洪大山擁翠詩大山何巍巍山陰鎖空翠日出雲靄沈遙峯秀天外

烏石牛山 州西五十里 **萬厯志**山有巨石其色烏其狀類牛偃

臥

腰山 州西七十里

稻堆山 州西南三十里

白石山亦名桐山 州西南九十里 舊志明一統志作桐源

山通志在尖山南十里**南畿志**云桐水發源於此**萬厯**

廣德州志

卷三

山川

八

志云左傳注廣德縣西南有桐水源出白石山即此青

峯簇簇離立天外

太首山 州西南九十里 舊志作八十里 **南畿志**其山最峻上有一井龜魚

時出沒其中相傳遇陰雨隱隱有樂聲 明一統志李志遠

望南碕湖白光如練每盛夏山嶺日光晶然雲雨皆在

足下神龍鱗爪出沒雲霧中俯視無遁形真奇觀也上

有天闕太乙壇迎仙道院有龍井大旱不涸

案白石太首一統諸志皆分爲二白石在州南八十

里太首在西南八十里詢郡人云實一山也去州九

十里山石粼粼草木不生四時常溼遠望之其色瑩
潔故名白石其曰太首蓋州之大者此其首矣考左
傳注明言桐水出縣西南白石山則以爲南者誤矣
但白石之名甚古太首又較著故仍兩存之

巖頭山 州西北四十里 明一統志兩山屹立如闕隘中夾一溪州

南山之水皆會於此入建溪每遇巨潦藉此以障湍流
奔突之勢萬厯志山巔有巨石橫臥俯瞰溪流狂潦奔
湍藉此障之山多蜂蜜溪多魚

亭子山 州西北七十里 李志上有仙姑祠禱雨輒應

廣德州志

卷三

山川

丹井山 州南十里 文獻通考廣德縣有丹井山明一統志相傳

昔徐真人在此煉丹丹井尚存 南畿志同

竹山 州南十五里 明一統志疊嶂層巒回環拱揖有松竹泉石

之勝絕頂有二亭曰巢雲流玉 南畿志同 萬厯志麓有竹山

寺一溪環其下衆山羅其前案未至寺里許路旁石壁

鐫石佛及諸名賢題詠

宋孫諤寒食遊竹山春深睡起無餘事邂逅山行賞物
華數點飛來寒食雨幾番開盡竹山花野橋踏石尋流
水草徑穿雲看早茶莫問年光與人事無何鄉裏醉流
霞 明楊璞與諸文友遊竹山公餘乘興竹山遊山有
溪流最上頭六七士從行處樂兩三峯對望中幽竹松
映閣渾如畫禾黍鋪雲大有秋一咏一觴歸去晚滿天

風露月垂鉤
張廷瞻遊竹山黃堂公事了乘興到竹
山出郭路十里蓋頭雲半間便欲終日住能得幾時間
爲問前朝事高風不可攀
涂相同方西臯遊竹山聞
說竹山好驅馬臨晨到山僧忙出迎雲徑未曾掃
手抱溪子圍棋坐石頭竹山千載後記此是良遊
山抱溪流曰午歸牧至村巖少客來夜戶常早閉
夜追歡附俊才竹山相對傍銜盃落花細逐溪流去
燕還尋舊主來湍映兩歧看麥秀錦鋪雙袖見屏開
宵歌舞低山月刻竹畱題興未灰
方一蘭遊竹山寺
用韻奉答海內君爲濟世才飄然我共酌花盃百年天
地身如寄此日溪山雲自來紫燕黃鸝經畫語青松翠
竹隔崑開同歌出牧畱奇蹟遍山崖筆未灰
同涂
東潭遊竹山奉和一首去歲重陽節獨予採菊遊今年
寒食候與子杖藜畱芳樹連山色春泉長澗流杜鵑無
數落浮酒散離愁
吳案方涂詩俱刻石壁時嘉靖甲午
三月題欸現存
吳同春詠竹山偶緣公事訪閒僧水
色冰光破幾層試向磯頭
畱短句他年須識我來曾

廣德州志

卷三

山川

國朝雲中官竹山寺野寺寒鴉集空山古木疎晚烟含遠
岫夜月滿庭除秋色孤亭上鐘聲落照餘自憐元尚白
歲歲一牀書
濮陽瑾遊竹山躡盤旋入翠微雲搏
啼鳥眼前飛疑然獨峭江東地不管人間往是非

方山
州南十里

通志云與竹山相近
明一統志山勢盤紆實

州之勝地下有方侯祠因名山之口兩峯對峙若二柱

然
南畿志同

僊石山
州南十里

明一統志山下有石高二丈許坦平可履

世傳有異人月夜獨立於上遺跡存焉

南畿志同

笄山
州南二十里

明一統志鷄籠山俗呼雞罩山中峯最高旁

有兩峯端列左右蔚然深秀爲一州之奇觀
萬厯志三

峯拱峙形似女笄州治學宮皆挹其秀俗以其形類雞
罩又呼雞罩山案

明吳同春遊笄山傍晚看山露未晞溪流曲曲過柴扉
人行水上山成畫樹列雲間地作圍江左簿書知何補
潯南花月竟須稀攜琴載酒他年事猶憶偷閒上翠微
國朝雲輝萼有笄山遠望詩

案一統志及南畿志皆有雞籠山無笄山則此名後
起也

鷹嘴山州南三十里南畿志其山特峻絕頂一石卓立高十餘
丈如鷹嘴下有深窟容百餘人

獅子山州南三十里萬厯志狀與獅子相似

廣德州志

卷三

山川

石雲梯山州南三十里南畿志乾溪山西高百餘丈石有階級
可升萬厯志狀如雲梯

馬鞍山州南五十里南畿志周圍七十里東有一石聳立山巔

楊志形似馬鞍

金雞山州南六十里一統志南畿志俱作五十里萬厯志亦名金雞嶺明一統

志山有石洞通志山巔石洞廣五六尺舊志作尺餘舊傳夜

陰晦有火光熒然出洞中居民多見之又有一金雞往
來翔集其上李志山有梅將軍廟

國朝吳甯謚梅將軍樂府云土人言岳鄂王禦金兵時知
嶺為入浙要害遣裨將梅伏兵要截之以金兵探知從

間道亦無問道人浙之說惟詔討戚方飛營苦嶺屢戰
宋史亦無問道入浙之說惟詔討戚方飛營苦嶺屢戰
皆捷適張俊兵至方遂降金雞嶺去苦嶺纔十餘里梅
將軍事或在此時因瞻遺像作此聊以補志之闕略云
金雞嶺浙門戶伏兵分將禦強虜路如麻兵如雨間道
他行誰復拒力已殫心徒苦將軍殺身聊報主瞻遺像
貌如虎數百年來享茲土史不傳志未譜有姓
無名誰箋補據廟貌傳千古名將之下無弱佐

石巖山 州南六十里

和尚山 州南六十里

萬厯志山嶺有石宛如僧形

西山 州南七十里

李志有香爐峯靈芝石仙人石榻方廣數十

丈石上足跡相連宛若布武焉

靈山 州南七十里

明一統志泉石甲於一郡上有文殊巖普賢

廣德州志

卷三

山川

臺羅漢洞山水合流而出匯為丁公潭演迤數里前後

有兩巨石平廣數十丈流瀑垂其上望之如織機**南畿**

志上有廣瑞禪院龍王廟**萬厯志**中峯有靈山寺羣峯

迴繞絕頂有解愠臺高出層霄石平如剗四望廓如臺

右有書雲石軒宛若老人臺前石壁對峙又有碁盤石

山水夾流而下匯為溪循溪噴薄為珠簾泉下為丁公

潭潭下為雲錦泉有兩石對峙名曰支機

案梅詩作絹機

石梁

橫互平廣可容百餘武梁下有小雲錦**李志**有劉文靖

讀易處山脈與郡治通郡有異人魁名間出雲錦泉必

裂

國

陳通

光遊靈山記

桐山

藪也

即城

南數

十里

中絕

過

深林不可勝記皆足窮俯仰舒情愔而奇勝致無過

靈山予嘗作竟日遊石梁周百餘武似乘槎上渚而得

支機也丁公潭二泉曰雲錦曰珠簾風行水上文自天

成斜掛數行不絕如縷俄而天驚石破震若雷霆即而

觀之則瀑布也岸斷百尺碧落千尋素縞飛白匹練即而

光之四景者皆泉也爾乃石壁嶙峋觸目異狀若佛若

盤陀若碁盤於焉抵中峯禮禪寺顧而樂之從遊者曰

未也攀躋而上最高處有解慍臺焉石平如剗嶂列如

環一軒形如老人兩干屹如排戟登斯臺也其有有虞

氏之遺風乎夫君子之遊以適志也置身層霄之外極

目千里之遙志為之適矣何慍不解耶想題是臺者深

有意於斯而遊是山者亦不意其至斯也遂為之記

周廣業遊靈山記序靈山泉石甲一郡而志載甚略聞

李義蒼子有碑急使人榻視之亦未盡其概數年前有

士人往遊焉作記頗詳山去州南七十里余未及一覽

廣德州志

卷二

山川

十三

其勝愛是文而惜其繁宄因撮敘大要以當一遊大抵

靈山之靈以泉尤以石初入山取徑萬松上昂其腹峙

翠溢目忽大石天半落出長松數萬樹如牛羊鳴如熊

其足曰香爐峯其下起伏磊落如蛇蟠如牛鳴如溪大

巖挺奇石也相去數丈有大石案可坐視之望隔溪大

山悉奇石立天界千態萬狀自峯側轉至一處石陡起

千仞成臺寬三十笏旁峙石壁俯瞰三底幾百丈遊人

皆內向不致立臺側磨崖刻解慍臺三字大盈尺不知

誰所書也臺右石軒曰書雲山故有上下二寺相去約

數里下寺為古即義蒼立碑也上寺新創山門外有

潭清冷甚小而不測測苔蘚生其底旁有碑曰龍潭自

此下歷山骨入溪谷經珠簾雲錦二泉丁公潭小雲錦

泉諸勝始至下寺觀所謂石佛者四壁皆巨石起立成

洞曰羅漢洞老僧言佛自石中出號活佛為新安人竊

其首去故至今身皆金裝獨首用木其說甚誕石壁皆

高插雲表其峯有曰鷓鷹石峯者如其臺如龍潭數里

獸百怪者有古松下生如萬顆珠可數十丈高下層折

泉飛出由山石下掛如萬顆珠可數十丈高下層折又

數十丈簾色飄忽幻妙不可摹狀凡三簾最下一空飛尤
奇絕跳盪眩心目其飛掛作九折至第七折則凌空飛
濺躍起數丈凡清泉皆流石上此則噴湧為石磴所頓
跌勢遂飛舞日光照耀色踰晴雪諦視其簾向外飛濺
者為一層其內自石磴折上飄掛者為一層而外飛之
簾跳激其上而潭不深而鳴流錚鉦聲若鐘磬丁
為溪再下為丁公潭此山者也距潭數十武為雲錦泉
公不知何人或云隱此山者左右送迎組織成文雲繞
從大石片上流下亦如萬斛珠滾飛出而回轉相繞
如不欲去如將復上又如將左右送迎組織成文雲繞
時而散錦有時而敝此泉無晝夜風雨燦爛又長新俗傳
郡有偉人科名間出則泉為裂此其異也又數十武
為小雲錦泉上有石梁闊可百步前有石對峙曰支
機大雲錦泉自此流過石梁而入小雲錦二雲錦泉
色正同而其勢去多留少以下將成大溪故也靈山之
石至此觀止矣乃別有瀑布之泉出香爐峯解慍臺之
東北山麓其溪甚長從頂望之飄洒億萬丈布滿山之
蓋泉從澗中流為兩傍高山所束不能遽溢而兩傍之

廣德州志

卷二

山川

十四

水復傾注之又不能不出遠望數里天光水色蕩曳萬
端其水東北入桐汭會於宣之南湖以入大江者也又
有棋盤之石在解慍臺西數折而上高峯亂石間其石
峭者筍者笏者屏者障者屋者角者偏者正者斜者黑者白
者高者冠者大者佩者古者服者古者君子古丈夫者相
對立對坐者相參差相間者相與有意無意變化不可測
勁者皆相避去如用問出奇者相與有意無意變化不可
測勁者皆相避去如立布子成隊登巔望之皆飛動有靈
氣舊傳仙人奕罷擲碁子與盤化為石并奕者焉土人因
名石棋盤云士人有濮陽名慎亦好事能文者其所記如
此石孤者亦有瀑布范文正詩所謂迴與泉流異發源高
更孤者也今已絕而溪流回繞可觀夾岸山石巖壑修篁
蔽谷最高者為天寶峯可俯瞰江浙烏山有巖壑修篁
蔽谷石八角山有龍光石皆異石也又有雪水澗者瀑布
數丈望之若銀河倒瀉蓋州之泉石名者凡數處要皆
不及靈山焉

宋梅應發題靈山絹機石山澗來湍流媪神闕崛奇不

作江湖迴穀水清而漪異哉靈山靈幻此天然機杼得
馳紅女朝朝怩繭絲不見玉指勞便製鮫室衣民家暑
此練應寬縷征期兩岸蘇磴滑誰敢拭眼窺卻宜就摩
飲六月霜雪飛元王勉遊靈山懷舊靈山傑立青摩
空靈源一擲銀河通長松駕鶴號陰風肩輿裊裊穿空
濛濛靈送雨來千峯一洗萬劫塵霾胸人生飄泊猶飛
蓬微官束縛居樊籠故人各別天西東十年夢想冥飛
鴻生平詩筆稱豪雄不妨醉墨蟠蛟龍明朝行復追塵
蹤上最高峯銀鋪海水三千丈玉削山尖幾萬重寒披衣
貧家知較早陰生深谷覺偏濃太平天子行陽令應有
春風及遠封

國朝陳錫遊靈山詩何事山靈喜炫奇千態萬狀如兒嬉
王宰百日不能畫玲瓏水石恣紛披瀑布懸崖同掣電
空潭飛作明珠旋少焉浪靜波亦恬曲若迴文飄素練
神工疑是天孫織一石支機萬縷緝至今憑眺石梁間
寒光倒射西山日既躡盤雲磴還登解愠臺黃鵠高舉
不得過石門長闔何時開豐隆列缺舞其下臺上金烏

廣德州志

卷二

山川

十五

擊翅回我愠揮絃不可解惟有投壺玉女大笑開吾懷
風高聞讀義皇易白雲獨臥青天碧中有仙人愛手談
斧柯爛盡不能還不如枕石漱流山中住丹梯瑤草同
躋攀

附靈山十景

明李徵儀珠簾泉山泉百道來勢欲傾碧落石磴何崎
嶇挺立挫其鏑戰酣忽突圍怒氣直噴薄上懸百丈巖
下臨千尺壑谷口聞轟雷沫溼林薄激湍白皓皓奮
迅若舞鶴纍纍如貫珠為簾垂畫閣曖曖仙都境夫豈
在廣莫中有呂梁人呼之或可作
國朝濮陽模解愠臺此地誰彈琴虞絃疑復作薰風陣陣
來松聲滿巖壑碁盤石仙客有遺枰雲封一片石靈
丹點爛柯化作松千尺讀易處高人昔寓斯讀易如
談話至今山中猿解畫先天卦珠簾泉飛泉濺碎珠
垂若疎簾影斜日照玲瓏逼人毛髮冷丁公潭巖瀑
掛空潭潭聲響鈴鐸丁公伊何人遙想遼東鶴雲錦
泉如山出雲曲若迴文錦水石盤旋間我將且枕
支機石在天孫宮云何墮山谷誰能役五丁持問

成都卜石梁兩山合復離崖陰難飛跨石橋一線通
疑是靈蛇化石佛奇石類瞿曇松聲如梵諷禪燈兩
曜明何用蓮龕供香爐峯聞說匡廬山香爐插雲表
名同景不殊時見紫烟裊沈嗣進石佛頑石能點頭
石原有佛性默坐空山中何時纔出定陳錫雲錦泉
飛流掛碧崖光垂一匹練激浪瀉空潭沫散珠璣濺泛
溢到平坡瀦洄千百變石上布回文曲曲引泉轉如雲
卷復舒如錦繞而霄水面映清霞瑩瑩五色現益以瀾
鵬游浮以桃花片天孫雖云巧山靈巧更擅列坐
可流觴不羨蘭亭讌枕漱石泉間寤歌當勿倦

成道山

州南七里

李志石磴盤曲松篁夾道山椒有奇石高

數十丈坦平可坐百人下瞰溪流交縈如帶幽蘭異草
叢生礪谷上有選佛道院山之東麓有泖塘古蹟或曰

溪卽古泖水也

水互詳

廣德州志

卷三

山川

尖山

州南七里

明一統志衆峯環遶一峯如書雲之筆倚山

皆巉巖之石石上有水一泓初無泉脈旱不涸雨不盈

南畿志同

山下多飛泉白石之勝

平頂山

州南七里

萬厯志舊傳仙人葛洪與其徒王當陽煉

丹處有禪菴

國朝甯時登平頂山高秋八月扶杖陟平頂仙人王當
陽茲山凌倒影玉棺去已遙丹竈有遺井吾來作大招
長嘯白雲嶺孰云遼海鶴長年浪馳騁勸爾加
飡飯重期十日飲他時桃花源爲記秦人隱

四峯山

州南七里

李志舊名獅山四峯橫互嶙峋插漢迤邐

而南三里許懸崖峭壁怪難名狀石壁篆文類梵宇傍

有蘭若孝廉陳士玉題曰篆石菴

白馬山 州南七十五里 **萬厯志** 山似馬形約高十里

席帽山 州東十里 **萬厯志** 衆山旋遶此山突出狀若席帽俗

呼牛首山又呼石佛山 **案** 山有石佛其麓爲石佛仙院

甯謙石佛山佛是石中生是石還是佛試問未生時本來無一物

飯石山 州東三十里 **萬厯志** 在東亭湖北相傳張真君飯時餘

粒化爲細石如飯粒然

蘇姑山 州東四十里 **萬厯志** 界連長興

案 吳興掌故集 長興縣西北四十九里有西顧山一

廣德州志 卷二 山川 十七

名吳望山山墟名云闔閭登姑胥臺望五湖顧見此

因名疑西顧訛爲蘇姑也

石壁山 州東南三十里 **萬厯志** 石山陡峻溪流湍急羲蒼子刻

有絕壁飛湍四大字在上

國朝盧槐遊石壁竹光團野色山寺午鐘稀旅鳥窺僧榻狂花濺客衣屏羅欺繪筆石榴送琴絲靜意誰堪會流

鶯時一啼

踏崩山 州東南二十五里 **萬厯志** 山石頽落如踏崩然故名

羲蒼山 州東南四十里 **通志** 西連石壁山 **萬厯志** 雲峯環抱碧澗

中流窈窕奇絕號爲羲蒼洞天乃蒼仙修煉處有雲樓

巖洗藥澗丹竈崖玉女峯陞仙臺蒼仙祠蟬蛻關諸勝

石婦山州東南五十里亦名石媳婦山明一統志衆山環遶中一

峯獨高峯之巔有石高二丈許如婦人狀舊傳謝氏女

介潔有守登山化爲石楊志望夫化爲石藤蘿薜荔縈

繞其上如衣被之狀獨露其面樵者不敢近

明李崇謙石媳婦粵昔謝氏女登高日望夫望夫竟不返淚盡雙眼枯化作空山石萬古標高孤形體雖變易

寸心終不渝年年春蕪綠東風啼
鷓鴣男兒懷二心視此甲顏無

石鼓山州東南五十里通志與石婦山相近明一統志山巔有巨

石如鼓下有石如架舊傳每陰雨則石鼓自鳴後墜於

廣德州志

卷三

山川

山南亂石中南畿志同

青山州東南六十里萬厯志一峯峭立如青螺然故名案梁吳均

與施肩吾書云故鄣縣東三十五里有青山絕壁干天

孤峯入漢者在今孝豐縣東三十里非此處之青山也

桃花山州東南六十里通志與青山相近明一統志山多桃開時

如錦繡然故名山之石上有金牛及牧童足跡又有金

雞巢形皆天成通志唐以此置桃州案吳興掌故集孝

豐縣西南五十里有桃花山產桃花石唐改安吉爲桃

州以此或云唐改綏安爲桃州取綏山有桃之義然則

安吉廣德有兩桃花山矣

逃牛山 州東北六十里 **萬厯志** 山有一洞舊傳有牧童逐牛至山

嶺牛竟奔入洞中童子隨入至今洞門遺跡未泯

韓山 州北十里

鎖山 州北二十里 **萬厯志** 麓有鎖山寺

雲中官春日遊鎖山寺乘輿間攜謝屐來徑斜行跡印莓苔橋連山足幽泉咽翠染林花疊嶂開倚竹迎風新得句攀蘿撥霧為尋梅老僧逢話塵心靜欲取峯霞入酒杯

五老山 州北六十里 **案萬厯諸志** 五老與五花巖各一山 **李志**

五老摩空圖乃五花巖非五老也

廣德州志

卷三

山川

十九

斗山 州北七十里 山勢崩施高聳突起者九山間有川名九斗

川宋史 瀛國公德祐元年知縣王汝翼率義兵與元人

戰於斗山即此又有斗山路分孟唐老 **萬厯諸志** 失載

五花巖山 州北七十里 **明一統志** 橫列五峯高三百丈許最高

峯頂有白佛祠石壁上刊天寶年號遇旱禱雨輒應 **案**

東為檀花山西為掛印山尖山

筆架山 州城西隅 **案** 此一培塿耳 **楊志** 始載之士人云形如

筆架上結小菴 長十弓橫三弓二尺計一分四釐有奇

萬桂山 州城東南隅詳見學校

長嶺 州東三十里見

金牛嶺 州東北七十里 **明一統志** 四面皆重山中有一嶺長亙十

五里 南畿志同 舊傳有僧逐金牛至此牛入洞中不出僧亦

化石立於洞門遇夜陰晦時有天燈見於此

峻巖嶺 州南十五里

石嶺 州南二十里

郭嶺 州南三十里

亭子嶺 州南四十里

青洪嶺 州南四十五里

廣德州志 卷三 山川 二十

犁壁嶺 州南五十里

轎嶺 州南六十里

苦嶺 州南七十里 **宋史** 高宗建炎四年岳飛討戚方以三千人

營於苦嶺卽此

拗西嶺 州西二十里

牛場嶺 州西二十里

鐵冶嶺 州北七十里

長山岡 州東七里見

紅岡 州東三十里

東山岡 十州東三里

九里岡 十州東四里

國朝查慎行雨中過九里岡平生狎江濤老怯風波惡茲

遊特改路意取山行樂一笑我命窮天公大戲劇朝來

發古鎮苦雨若赴肩輿煩兩夫蹉跎防失腳山山叫

勃姑泥滑石齷齪漸上九里岡險如出劔閣我本材山野

姿浪遊因落魄無端役人力揣分非所托稍待天放

晴前林候乾鵲勞生就徒步庶免中心忤敬業堂集

丁家岡 十州南三里

烏沙岡 十州西六里

橫山岡 二州西北里

楓塘岡 十州西二里

卷三

山川

廣德州志

石板岡 十州西三里

七里岡 十州西南里

郎埠岡 二州西北里

銀山岡 十州北五里

鳳凰墩 後州城

白馬墩 十州北二里

白泥墩 見州北六十里

龍鑽洞 五州東北里

桃姑洞 五州東北里

李志大石有空竅相傳有龍盤旋其中

通志洞門在半山內數洞相通至第七洞

頂有一竇日光透映俗呼天井萬厯志其石崖融乳奇異處多類大洞明嘉靖十五年知州朱麟常遊於此謂

其似家鄉

洞遂磨石書芝山別洞四字

案朱麟遊大洞記作

馮家洞又俗呼蝙蝠洞洞中蝙蝠最多冬月懸徧洞壁其洞向北

長樂洞

州東北七十里

亦名大洞

俗名太極洞見實相院碑

通志與五花巖山

相近明一統志廣數丈深不可測遊者秉燭而入有石

燕羣飛乳泉滴瀝神人佛像碁盤鐘磬之屬皆白石天

成

南畿志同

其東洞水深不可入傳神龍所居遇旱禱雨輒

應萬厯志洞門深廣可容千人其左巖石乳融結如覆

廣德州志

卷三

山川

二十二

鐘如懸磬如關如柱如蓮其爲如禽獸狀者不可勝紀又有石鼓扣以杵吼如雷其右崖有大石柱儼似鼈足崖上有淳熙年號墨如新染晡時日光斜照洞門之石五采如繪進數十步歧爲二篝火可入二洞內又有小洞二東洞峭刻瑰譎乳膏融結千態萬狀比左崖愈奇巖下有潭其深叵測進八十步許爲龍潭可渡其內奇縮怪錯視外爲勝西洞宏邃進里許爲銅關可進一人至內則又宏爽其最深處爲大雪洞一望五十步漸內則隘小不可入其小雪洞高如大雪洞而邃不及銅關

外有仙橋高約五尺片石捲成有鹽堆盆積如鹽有石
田方而淨關內有石碁盤雪窩石磬洞之深邈莫知所
窮

明宋麟遊大洞記大洞出州門北六十里至馮家洞馮
洞視大洞雖小而奇石罅方廣若門舉火入內深黑里
許上開天孔圓若井口引光入洞宛如星日洞口方丈
峭壁蒼然宛若予家驚山因題其厓曰芝山別洞紀以
詩既出至烈女墳旁轉入陽羨界山亦奇谷中雞犬相
聞俯看溪流村水淙淙從洞門流草石間灌田可萬頃憩
洞口小寺束火燎百餘雜燭初入四壁累垂如蜂房
鶴膝純白若玉苔蘚雜然成形迴光返射如大綠金相
非人世所有晚霞照耀又如織錦左竇曰東洞石乳垂
下擊之如鼓洞口空黑大淵深昧神物潛藏不可遊循
此而南方踰十丈皆垂玉水晶明鑿白脂寒氣侵骨
雖盛暑挾纒而後可一旗橫飛曰寶珠旗一柱自洞頂

廣德州志

卷三

山川

二十三

直下曰玉柱下有田井畫分列曰石田由石田直入里
許有水積如阜者曰鹽堆右竇從火入十餘步一小石橋
橋水濺濺有聲曰仙人橋轉折曰虛洞深入里許懸石
惟餘桂字不紀年月予題其處曰虛洞深入里許懸石
噴雪勢欲飛墮一竇小而隘旋折尺餘如車馱可容一
人貫魚以入曰銅關予刻銅關二字于石方束炬而復
入宛然方丈四面純白石間桃紅若脂膏玉昔年墨跡
蒼然如新一石垂下曰石磬一石如練驪尾倒卷曰珍
珠簾左曰大通雪竇入左曰好事者又深入十餘里沈沈
土人曰可通太湖聞昔不能知其所窮出十餘里沈沈
岬疑為罔象所遊蓋杏不能知其所窮出十餘里沈沈
十炬予與同遊三十人取火而出則月已上山矣因著
其略以貽樂山者
潛確類書大洞在廣德州城東北洞口如廈屋四五間
容千人石乳垂四壁若蜂房膝白如玉苔蘚間之得
日光返照如瓊瑰又如鼉足擊之轟然名曰石鼓石
直下如柱玲瓏奇石橫互如列屏若與外隔者中有石
可五六十步有石橫互如列屏若與外隔者中有石

大士人工也至此洞路始分繇西入則宏敞若樓臺石
皆削平又進則高且窪如螺未漸窄有刻咸淳年號題
名如新有仙田大小十二段經畫斬然又進而空闊中
瑩若黑漆有白石結成如雲而象者有鐘懸者有磬
覆者有蓮垂者又如布數匹而紋理粲然者有白
石蹲踞名鹽堆北有布數人形名賣鹽老左竇中含一
白石長可七八尺由大而尖如人舌特伸于外其上皆
結成龍形首尾互雜見三四有題云地肺開天竅
行行入洞元一片雲孤鶴下誰見此中仙又進則石壁橫
塞若無路北一小竇旋折尺餘如半硤僅可容一人入
一名曰銅關有石橋互其下瀑流積水不可涉其中宛然
一方丈四面純白石間桃紅若羊脂玉不可雉子斑綉爛
奪目有石磬關有珠簾有二小洞愈入愈不可窮云與
太湖相通銅關之外有約五尺轉折一石罅中白石下垂如鼇
關澗水潺潺名曰仙橋高可一丈石罅中白石下垂如鼇
丈有奇深可二百丈高可一丈石罅中白石下垂如鼇
足者若肝聯者若肺附者若覆鐘懸磬者又有仙田有
二十畦其東名黃河洞深廣殺西洞三之有高倍之有

廣德州志

卷二

山川

二十四

石偃儂如人其色若甘草紋而北如螺頂高一石中分
而上聯湊之名曰米堆乃轉而北又如螺頂高一石中分
丈突生白色類牛頭下垂者二角種具存進百步
許為龍潭深不可測可以舟此洞之南又有小洞深廣
約四丈僅容十人煖如烘上如下如砥可以布席案此
與朱記互有詳略不忍割棄故並錄之以質攜履者
朱麟遊大洞野渚夕迴光宿雨霽風驅草色來石
渥洞雲閉木攬玉箏聲谷響山風厲樹杪黃鶴樓竹迥
蒼琅蔽圓月在前圍嵐光忽搖曳歸石洞壑幽山空
客袂李得陽遊大洞勝地乾坤別仙洞壑幽山空
紆窈窕境遠自優游峭壁雲霞滿寒泉日夜流玉田何
代種丹鼎為誰畱合沓銅關險淋漓石乳稠無花知歲
月有燕報春秋我欲窮奇討誰能極冥搜壺天看不盡
恍惚揖浮邱

國朝濮陽模遊大洞意想所不到靈區忽然開應是巨靈
掌削去山腹胎穢籬關洞府幽奧語難該恍惚若醉夢
溘于入大槐燭龍不能借列炬飄烟爰白日駭昏夜嚴
冬忽入大槐燭龍不能借列炬飄烟爰白日駭昏夜嚴

膝交頰乳泉結怪狀高懸千百枚深雪積萬古皎潔成
鹽堆間亦燦五色晶瑩絕點埃元關通一竅如甃入穴
隈愈行愈險怪一顧一驚猜仙田曠弗播胡弗種瓊瑰
仙舟覆已久胡弗泛蓬萊尋仙仙不遇何時乘鶴來
沈嗣進遊大洞石洞傍山霄靈氣所蟠結問誰遣五丁
鑿此天巧穴束炬愛尋幽進愈奇絕巖前玉乳垂腳
底流泉咽鐘鼓懸兩旁鹽堆如積雪銅關與覆舟一
星羅列更有石棋枰云是仙人設我欲再深探同人恐
燭滅聯步復重回迤邐路曲
折須與出洞門遙聞清梵徹

羅漢洞

州南七
十里

案萬厯志不言何狀詳靈山記

鯉魚洞

州北七
十里

萬厯志洞中隱約有仙人形

以上胡志

小靈山在州東南二十五里盧陳保

廣德州志

卷三

山川

二十五

天宕山在州東二十五里中塔保有佛寺

大陽山在州東三十里盧陳保

石佛山在州東南三十里方岡保

棋盤山在州東南四十里石媳保相傳仙人弈處

烏石山在州東南五十里石溪保俗名鷹嘴巖

白良山在州南九十里琳塘保東有棋盤石

百塢山在州南九十里洋灘保

石母嶺在州東南五十里圩鋪保俗名吉祥巖

蛟湖墩在州東三十里李村保上有龍王廟觀音殿

以上新纂據採訪冊

建平縣山四十有七嶺十有七岡四墩五

鎮山縣南五里**南畿志**邑之案山**通志**森布羅列若樹屏翰

案州以橫山為望故先列西縣南隸州而以鎮山作
案故先列南其岡嶺則皆以東南西北為次焉

走馬山縣南十五里**縣志**上有王漢祠道通宣城巔可走馬

廟岡山縣南十五里**楊志**上有祠山廟禱雨輒應

聚寶山縣南三十里

漚山縣南三十里**縣志**山麓有漚水汪洋故名

廣德州志

卷三

山川

香山縣南五十里**縣志**俗傳仙人採藥於此石上有巨人跡

霄峯山縣南六十里**縣志**懸崖屹立勢衝霄漢

塔山縣南七十里**縣志**峯高五里石磴盤曲而上凡數十折絕

頂稍平蘭若構焉泉石之奇一方勝槩

大巖山縣南七十里**南畿志**巖山崔巍峯巒層出上有池冬夏

不竭**通志**山下有妙泉**楊志**俗傳宋天聖間有巖石君

者顯靈於此有廟存焉

明姚恕登大巖山萬丈峯頭百尺巖四圍草樹互相參
網縕不散晴含霧杳暗常迷溼帶嵐猛虎畫馴風出罅
窮猿夜倚月窺函詩人吟望思躋躡峭壁層巒不可堪
國朝胡太冲大巖山巖深秋欲暝壁勢若飛空沓嶂圍天

外陰泉吐霧中石藤多卷曲竹樹鬱菁蔥冥悟尋真契茲山趣亦同

小巖山 **楊志**與大巖山並

東山 縣南七十里

犬磊山 縣南八十里 **南畿志**羣山拱峙一峯特起頂有三石如

品字 通志作如磊字 **楊志**俗以其形類僧一名和尚山山麓稍

平處名曰張公坪側有石洞方廣二丈許洞頂巨石聳峙上有仙人偃臥跡

木竹山 縣南八十里

鴉山 縣南九十里 **南畿志**周圍三十餘里 明一統志無此句 上有一石

廣德州志 卷三 山川 二十七

高二丈許有彈跡百餘俗呼為彈子石又有釣臺舊傳

有仙人釣于此其山產茶太守梅詢詩茶煮鴉山雪滿

甌通志云舊嘗入貢南接**甯國界甯國府志**引茶經云

味與蘄州所產同

衛廷璞詩釣臺高聳暮烟橫何日投竿赴玉京剩有松花封磻戶猶餘雲葉入茶鑿一村香透芽新焙半盞寒

凝雪乍傾消渴文園偏不解清泉滿貯稱生平

龜山 縣東二里 **楊志**其形似龜故名

泉水山 縣東三里 **萬厯志**作白水山 **楊志**山麓有池寒泉湧

出

大溪山

縣東三十里 訛大豁今從 楊志作大豁 李志

萬曆志云案太平

寰宇記源出白石流入宣城縣白沙川入丹陽湖通志

云桐水所經

巖頭山

縣東四十里 李志懸崖峭立

葫蘆山

花墳山

石山

仙山

甯山 俱在縣東

廣德州志

卷三

山川

二十八

西山

縣東南三十里

縣志山曲有廣惠王廟

白茅山

縣東南四十里

縣志俗稱白茅嶺廣德建平之界多名賢

題咏

明段猷顯登白茅山萬里長空霽色開單車行縣此登
臺敢云鳧舄雲中下且喜桑麻雨後栽遶徑黃花爭爛

發橫空白鳥獨飛來松陰未
轉日方午暫引香醪慰客懷

國朝胡文銓經白茅嶺太首昂然來羣峯走絡繹控引得
郡城四面擁遠碧茅嶺抗高騫西北壯邊場籃輿促曉

程林麓似相逆陰磴稍回旋陽崖徑轉窄其下溜清泚
其前立怪石雖無蛟龍蟠疑有仙靈宅陟巔豁吟眸天

外空翠積郎溪指顧間疆畛忽中割亭館紛將迎烟埃
飭戍驛俯視禾黍疇高下異尋尺昔賢六百塘旱澇費

經畫行縣爰咨諏入境想遺跡地勢無遷移先事握長
策藤花發微香高鳥振健翮撫景一流連嘯歌聊自適

尖墩山 縣東北五里

金牛山 縣東北十五里 **楊志**絕頂有大石上有牛眠跡

五武山 縣東北二十五里

烏雲山 縣東北二十五里 **南畿志**云俗傳上有烏雲久晴必雨**通**

志云土人以雲氣占雨

鳳居山 **通志**作鳳棲山 **萬厯志**舊傳有鳳棲此山

明呂盛鳳居山彩鳳呈祥治化寬昔年父老倚雲觀朝陽嶺外三冬暖活水源頭六月寒翠竹曾經供飲啄蒼梧舊屬集衣冠分明天上繁華景畱與人間作畫看

獨山 縣東北三十里 **萬厯志**云其山峻峙別無羣麓**通志**云與

廣德州志

卷三

山川

大濤鳳棲二山相近

亭子山 縣東北十五里 **縣志**秀峙大濤龜山之前其形如亭

大濤山 縣東北十五里 **通志**懸崖峻絕松風聲如波濤

馬鞍山 縣東北四十里 **李志**形如馬鞍

伍牙山 縣東北四十里 **明一統志**云相傳伍員伐楚還吳經此建

牙因名**南畿志**據**輿地廣記**云云舊有子胥祠祠側有

潭遇旱禱雨多應**縣志**云每蜚蜴見輒雨

方聘伍牙山衆山皆崱嶭鬱確此峯嘉迴矚麻姑鼎遙連伍相牙幽谿浮石竹古洞落花夕景霏佳氣寒稜

霞 襯碧

案元秦良英烈王廟碑引桐汭志云又名護牙山世傳伍員伐楚去吳時經此山有老嫗異其牙員欲折之崖石山靈若護之者以此故名又明一統志溧陽縣西南六十里有伍牙山一名護牙山元阿剌罕攻破銀樹東壩至護牙山敗宋兵卽此然則此山與溧陽界矣

案臺山

四縣東北

縣志

平夷如几當子胥廟前

全峯山

五縣東北

楊志

一名仙峯山

案全仙音訛萬曆志作金峯山未知孰是

護形山

六縣東北

楊志峙伍牙之右

廣德州志

卷三

山川

三十

青草山

縣志西二十里李志二十里

赤山

七縣西南

明一統志麓枕大溪

南畿志同

縣志諺有云赤山

青出公卿

墩頭山

十縣西南

東安山

十縣西南二

明陽山

三縣西南

社衆山

十縣西北

馬場山

二縣西北

西山

十縣北三

南瀛山 十縣北四里 **縣志** 一名南沿

白沙嶺 十縣東五里

丁家嶺 十縣東五里

西洪嶺 十縣東五里

漢嶺 十縣東五里

乘荒嶺 四縣東北十里 **建平存藁** 在伍牙山下石磴完整較諸嶺

為勝 **舊志** 失載

王家嶺 十縣南二里

老松嶺 十縣南二里

廣德州志

卷三

山川

宗漢嶺 十縣南三里

獨柯松嶺 十縣南三里

張冲嶺 十縣南六里

石佛嶺 十縣南七里 **南畿志** 云形如石佛 **建平存藁** 土人稱石

佛山山多危石其大如屋層累欹側若倚若墜志言上有三石高三丈許形如佛實不止三也自下望之如三石耳絕頂有菴登高望遠廣德宣城諸山皆在目中

峽子嶺 十縣南八里 **縣志** 羣崖擁簇為宣城建平之界

明張深遊峽子嶺龍蟠虎踞入丹青路轉峯迴草滿營朱鳥有時棲碧樹白雲終日鎖蒼屏人將蓮井超眞界

我坐蒲團學踐形太極一丸
春正好不須金鼎覓仙靈

伏獅嶺 十縣南八里 **縣志** 其形類獅伏

佛子嶺 十縣南八里 **萬厯志** 其山石如僧形

案是嶺南畿志楊門諸志俱不載豈即伏獅之舊名

而音訛歟

青苔嶺 十縣南九里 **通志** 懸巖千仞其下有清潭 楊志作下有釣臺

唐猊嶺 十縣南九里 **縣志** 磴道嶙峋置身天際

袍笏嶺 十縣南九里 **楊志** 上有天泉大旱不竭

石頭岡 十縣南里

廣德州志 卷三 山川 三十二

長山岡 十縣南五里

石門岡 十縣南七里

大墩岡 三縣西北里

鳳凰墩 縣治後

寨墩 二縣東北四十里 **俱詳名蹟**

海船墩 十縣西二里

望牛墩 十縣西南二里

亭子墩 十縣西北里

以上胡志